

兵制

軍政

武備

海防

刑制

赦宥

廣治平畧

兵制篇

周代兵制

昔者黃帝有涿鹿之戰。顓頊有共工之陳。夏有甘扈之百人爲卒。長皆上士。王未嘗去兵也。及周武王以兵平天下。天下既定。立司小司徒。魯萬民之卒。伍井田而定軍賦。天子六軍。大國三軍。次國二軍。小國一軍。軍將皆命卿。二千五百人爲師。師帥皆中大夫。五百人爲旅。旅帥皆下大夫。百人爲卒。卒長皆上士。二十五人爲兩。兩司馬皆中士。五人爲伍。伍各有長。其小司徒魯萬民之卒。伍以起軍旅。五人爲伍。五伍爲兩。四兩爲卒。五卒爲旅。五旅爲師。五師爲軍。凡國之大事。則致之。遂人以歲時稽其人民。簡其兵器。有發以下劑。致之以六鄉爲正軍。六遂爲副。倅故。天子六鄉。六遂合有十二軍而止。言六軍至大國之三鄉。三遂。次國之二鄉。二遂。小國之一鄉。一遂。莫不皆然。此鄉遂制軍之法也。乃車

徒則異賦焉。徒起法於人車起法於田。徒合於鄉師。車合於司右。而縣師受法於司馬。會車徒之卒伍而用之。而六師成也。大概鄉約二十五軍。猶後世之京軍。土居王畿爲國本者也。遂亦二十五軍。猶後世之畿輔軍。各守衛其國都而拱護王畿者也。至大司馬所握之六軍。則通王畿千里之內更休而迭調之。故凡致民用之軍旅田役皆由鄉遂。至於都鄙此公卿大夫各帥其采地之民而用之。猶後世郡國調遣更番上直之兵也。至其五服蔡布則五國以爲屬。屬有長十國以爲連。連有帥三十國以爲卒。卒有正二百一十國以爲州。州有牧。當其時於州鄉則聯其民於師田則聯其徒於宿衛則聯其官。故能以中國爲一人而無內患。爲屬連卒長以聯其國爲長師正伯以聯其人。故能以天下爲一家而無外虞。而大司馬以九伐之法正邦國。其於天下也大則有方伯小則有連帥如身之使臂臂之使指各適其事之遠近。至方伯連帥所不能克然後以鄉遂之士應之於此見王者制天下兵不用而自爲正之具也。夫平居無事之

時人聯家比有教養之素而恩義足以相結及其倉卒有事之際簡車閱徒無招呼之煩而死生足以相衛然則兵不待選皆吾民也將不改置皆吾吏也故軍藏于六卿而弗謂軍將藏於六鄉而弗謂將以蒐苗獮狩而隱其振旅芟舍治丘大閱之名以比閭族黨州鄉而易其伍兩卒旅師軍之名以井邑丘甸縣鄙而晦其車馬甲士步卒軍賦之名以軍伍而會于教官之司徒以軍禮而掌於春官之宗伯以軍禁而拘於刑官之上師司馬雖有統兵之職而於兵政若不敢專焉至其四時之田凡師出曰治兵入曰振旅草止則曰芟舍簡兵則曰大閱今以仲春而教振旅則是教民之始而已爲還田之期以此見先王之不樂用兵也凡田搜澤取獸曰蒐爲苗除害曰苗獸多可殺曰獮圍守不擇曰狩今以仲春而行蒐田則是致苗之始已有愛物之心以此見先王之不忍用殺也而又仲春則以辨鼓鐸鐸仲夏則以撰車徒書契名號仲秋則以辨旗物仲冬則以詳坐作進止各主其一不盡求也蒐以祭社苗以享禘獮以祀祈狩

以享○各○以○行○禮○非○暴○物○也○蓋○田○本○肄○武○而○以○禮○終○獵○水○鴈○殺○而○以○仁○勝○此○之○
謂○順○以○動○而○悅○以○使○乎○總○之○先○王○以○天○下○之○不○可○去○兵○於○是○乎○有○治○兵○之○法○以○
武○事○之○不○可○明○民○於○是○乎○有○寓○兵○之○意○四○時○有○田○則○教○兵○不○爲○不○先○六○卿○皆○將○
則○蓄○將○不○爲○不○豫○何○何○待○刻○畫○兵○號○而○明○示○以○毒○天○下○之○具○哉○若○乃○天○子○之○衛○
有○郎○衛○有○兵○衛○而○其○別○有○四○居○則○有○宮○中○之○徒○役○公○卿○大○夫○士○之○庶○子○以○爲○環○
列○腹○心○之○衛○若○宮○正○宮○伯○之○所○掌○是○也○出○則○有○虎○士○八○百○人○掌○先○後○王○而○趨○以○
卒○伍○視○朝○則○在○路○門○之○右○若○虎○賁○氏○之○所○掌○是○也○奉○輿○馬○督○扈○從○視○朝○則○在○路○
門○之○左○則○有○太○僕○以○掌○之○所○謂○侍○御○僕○從○罔○非○正○人○是○也○執○其○兵○器○服○以○衛○王○
之○門○外○則○有○司○隸○以○掌○之○所○謂○使○其○屬○帥○四○荒○之○隸○是○也○雖○名○爲○兵○而○不○聞○一○
武○夫○悍○卒○放○慢○詭○譎○之○人○得○廁○跡○其○間○是○雖○有○郎○衛○兵○衛○之○別○居○常○有○文○事○武○
事○之○判○耶○合○而○觀○之○任○征○伐○之○兵○皆○出○於○農○則○無○追○呼○召○募○之○擾○無○團○聚○喫○餉○
之○費○而○民○以○農○隙○之○時○講○武○則○旣○因○富○而○力○強○處○宿○衛○之○兵○多○出○於○士○則○無○長○

淫導邪之失。無祗凶邁逆之災。而士以析巡之餘。均敘則又由教以知方矣。此成周所以克詰張皇而制治未亂。保邦未危也。歟。至齊桓公任用管仲。制國爲二十一鄉。故有軌里連鄉師之制。如鄉之法。制鄙爲五屬。故有邑卒鄉縣屬之制。如遂之法。通國之數而逋征之。率車用六之一。土用十之三。變古司馬法而爲簡畧速勝之兵。于是國中之士爲兵。鄙里之民爲農。兵不諳耒耜而農不識干戈。先王寓兵于農之意亡矣。齊桓既沒。晉文接之。蒐于被廬。作三軍。教其民。其後清原之蒐。遂作五軍。豈自知其僭而稍替其二乎。是時楚益强大。武王作荆戶也。種名至穆王時。則有右孟左孟兩甄。猶言之制。莊王則三軍以爲正軍。二廣以爲親軍。游闕以爲游兵。然調卒之法。商農工賈不敗其業。卒秉輯睦。不奸于事。行軍之典。則右轅左追。尊前茅慮無。中權後勁。百官象物而動。軍政不戒而脩。楚是以強。若魯成公作丘甲。襄公作三軍。昭公蒐于紅。蓋已傷于竭作矣。哀公始用田賦。以夫田而賦軍旅之征。大變丘乘之制。而民無遺力焉。秦穆公

霸西戎始作三軍及孝公用商鞅變法作什伍之制有更卒有正卒有成卒皆以戰功相君長昭王有銳士虎賁八十萬車千乘騎萬匹而分三軍長平之役年十五以上悉發亦非復商鞅之舊大抵戰國之制勝甲以上皆籍爲兵而雄傑之士因勢輔時作爲權詐以相傾覆吳有孫武齊有孫臏魏有吳起秦有商鞅皆禽敵立勝垂著篇籍當此之時合從連衡轉相攻伐代爲雌雄齊以技擊強魏以武卒奮秦以銳士勝世方爭下功利而以孫吳爲宗時唯孫卿非之曰被孫吳者尚勢利而貴變詐施于暴亂昏慢之國君臣有間上下離心眾謀不良故可變而詐也夫仁人在上爲下所仰猶子弟之衛父兄若手足之扞頭目何可當也鄰國望我歡若親戚若椒蘭顧視其上猶焚灼仇讐人情豈肯爲其所惡而攻其所好哉故以桀攻桀猶有巧拙以桀詐堯若卵投石夫何幸之有惟以仁義緩民者無敵於天下也若齊桓晉文之兵可謂入賢域而有節制矣然猶未本仁義之統也故齊之技擊不可以遇魏之武卒魏之武卒不可以

直秦之銳士秦之銳士不可以當桓文之節制桓文之節制不可以敵湯武之仁義故曰善師者不陳善陳者不戰善戰者不敗善敗者不亡故兵無他道亦有仁義而已矣文之所加者深則武之所服者遠德之所施者博則威之所制者廣三代之盛所以至刑措兵寢而不用者其本末有序其施行有統也秦政乘四世之威混一字內罷講銷兵意謂士散於天下而利器專于京師可以彌患不知斬木揭竿無非戰卒此秦之所以亡也嗚呼豈盡由兵弛哉無事養兵則有推剝胥削之患有事用兵則有征行轉輸之勞此雖當時勢所必至而後世興衰之故亦必有所本矣

兩漢兵制

漢興踵秦之制置材官於郡國而京師有南北軍之屯南軍所以衛宮城者也主之者衛尉北軍所以衛京城也主之者中尉衛尉居乎內中尉居乎外相爲表裏其勢常相均然亦使之自相爲制焉至若南北軍皆隸於三公而光祿歲

以四科者第卽從官。凡更直執戟內謹門禁。外充車騎者。無非經明行修之士。則宿衛之任固亦周虎士諸子遺意哉。其後武帝盛兵以威北陸。至以中尉材官出擊。恐京師無重兵而生變。於是分北軍爲八校。進中尉屬中壘校尉。掌北軍壘門內及外西域兵。而屯騎校尉掌騎士。步兵校尉掌上林屯兵。越騎校尉掌越騎。長水校尉掌宣曲騎。胡騎校尉掌邊騎。射聲校尉掌待詔射聲者。虎賁校尉掌輕車。凡有八焉。外又置城門校尉。掌京城門屯兵。屯各有司馬。旣又恐北軍之權太重。故於光祿勳增置期門羽林之屬。爲官掖衛。是雖於南北軍相制之意不甚失。然異時南北軍皆郡國番上。無定在之兵也。自八校之置。以習知遠方之人充之。則募兵。始此期門羽林。皆家世爲之。則常從如此。自是有養兵之病。而京師之兵制壞矣。且又使世家人犯令入財者。皆得補卽而卽選於是。始募自期門羽林之屬。隸于光祿。以爲天子之私人。而兵衛於是始變自疎遠外庭之後。衛尉之職。領千將軍。城門之兵。領千司馬。往往以中朝任之。而大

臣皆無預焉。異曰：宦官倖戚專兵之禍，于是始基。皆武帝紛更之所貽也。昔乃郡國之兵，初時選能引關蹶張材力武猛者爲輕車騎士，林官樓船常以秋後講肄課法，各有員而平地用車騎，山林險阻用材官。川澤用樓船，於是巴蜀二河潁川諸郡國獨有材官。上郡北地隴西諸郡國有車騎，而廬江潯陽會稽諸郡國有樓船。以至臨淄之弩手，荆楚之劍客，各推其土之所宜而習熟焉。方其兵之在郡國也，則屬之都尉。每歲八月會都試，郡太守都尉令長成，預各以其方之所習而課殿最。是以郡國之兵教習于平時而征發于有事，民有更番之休而將無常權之患。此郡國兵之凡也。自元狩後，兵革數動，民多買復，調發之士益鮮。于是發及謫吏次及謫民，次及謫戍，次及七科，謫夫常兵不足，調及他衆，甲伍必紊。而郡國之兵制又壞矣。昭宣以來，其弊日甚。始元元年募民及發犇命者，擊益州元鳳元年遣太常三輔徒免刑擊氏，五年發三輔及郡國惡少吏有告劾亡者屯遼東。本始二年以選郡國吏三百石伉健習騎射者從軍。

簡元年又發三輔中郡之官徒弛刑者及應募欲飛射士孤兒越騎詣金城募及奔命調及惡少發及刑徒選及三百石吏而又以羽林伏飛越騎從事是南北軍皆出矣紛紛無復舊制孰非自武帝啟之則東漢光武以幽冀并州兵克定天下始於黎陽立營領騎常千人以謁者監之號黎陽兵而京師南北軍如故北軍省中壘邊騎虎賁三校止爲五營謂之五營校士北軍則以中候易中壘監之領千大將軍南軍則光祿勳省戶騎車三將及羽林令都尉省旅賁衛士領千大尉建武六年始罷郡國都尉并職太守無都試之役唯京師肄兵如故明年罷天下輕車騎士材官樓船及軍假吏盡還民伍唯更賦如故九年省關都尉十三年罷左右將軍二十二年罷諸邊郡亭侯吏卒時光武久在兵間厭武事且知天下疲耗思欲息肩由是內省營衛之士外罷衛侯之職然終建武之世已不能守前法罷尉省校輒復臨時補置而邊郡亦往往復置都尉且自罷都試而外兵不練雖疆場之間廣屯增戍列營置鴈而國有征伐終隸

京師之兵以出。或遣將出擊。或移兵留屯。連年暴露。奔命四方。而禁旅無復鎮衛之職。至安帝永初間。募人入錢穀。得爲虎賁羽林。緹騎營士。而營衛之選亦衰。成帝延熹間。詔減羽林虎賁。不任事者半條。則京師之兵日就單弱。外之上兵不練。而內之衛兵不精。故盜起一方。則羽檄被於三邊。與發甲卒。取辦臨時。戰非素習。每出輒北。永建間。始令郡舉五人。教習戰射。又方募爲陷陣。徵爲積卒。召爲義從。大抵創立名號。蕩無良法。徒列屯坐食而已。桓靈之世。黃巾作亂。所在盜賊。不可勝數。於是置八都尉。五年大發四方兵。講武于平樂觀。躬擐甲介馬。稱無上將軍。是歲始置西門八校尉。以小黃門統之。雖大將軍亦屬焉。於是威宦更傾。兵權迭相傾奪。五營畏服中人。以至陳蕃。竇武等欲誅宦官。北軍不助武等而助宦官。遂取族滅。何武袁紹不勝其憤。且懲竇武之事。欲藉外兵以除之。故內置園陵陽尊閹宦。外重川牧。實召邊將。閹宦雖除而董卓之禍已成。義兵四起。群牧爭政。漢遂三分。原漢盛衰。皆兵之由。而光武寔爲之也。蓋天

下之患莫大于兵。無事而聚食。將有權而專兵。漢興民二十則傳於籍。而歲及立秋。則嚴兵法之肄。公卿子弟執戟以備宿衛。而博士郎中皆課之射。當是時。民與士大夫無不開軍旅者。或爲卒更。或爲踐更。或爲過更。民皆已練之兵。或取之于大農。或取之于宗正。或取之于太僕。而士大夫皆可命之將。則漢制之善。正在於兵不常聚。而將無常員。故材官騎士布滿鄒國。有事徵召。否則罷歸。衛霍勲大績重。身奉朝請。兵皆散去。此其綱維大體。猶有先王遺意。乃其中猶可取者。國有軍事。不取專斷。是以輪臺之書。徧示百官。屯田之奉。初終不議。軍于和親。而四百石博士得以抗論。以至精兵郡國人主親爲擇將相。而代地吾所急。則委陳豨。淮陽丘之勲。實擢灌夫。其視兵也不亦重乎。然而從軍有勞。得以復除。關中之卒。復以一歲亡。士過多。將軍有譴。金布著令。尤卹死事。羽林養子。特錄孤兒。至饗遺衛士。天子臨幸。士卒暴露。朝會罷酒。其卹兵也不亦寬乎。乃矯制有功者不賞。都試僭上者必戮。上功增級者有誅。乘傳行塞。因以歸家。

計詔勅已至。以至禁燒者有誅。後期者有誅。畏懦者有誅。都試而不詣部所者。必免屯而不詣屯所者。以乏思論。則嚴明爲何如。宰相之子。不免成邊。故將之家。均干給賦。以至御史大夫。出爲護軍。不爲左遷。酒泉太守。則拜破羌。不爲異數。輪臺之詔。敗亡不損。衛霍行封。得喪相除。則均一爲何如。至于上下相維。隄防必密。京師之兵。纔萬人耳。純於一官。未爲過多。而二三卿士。各分行領。欲上下之相制也。都試之役。太守都督事。爾縣之令。長丞尉何與。而必欲俱會。欲上下之相察也。以至銅虎調發。以防矯僞。伍符素備。以正什伍。而膠西欲擅發兵。則弓高詰之。自圖嚴助。以節發兵。則郡守拒之不從。而又鄉置游徼。亭設三長。以防盜賊。而天下之亭幾三萬。則其周密又何如。夫以謹重視兵戎。故動可寡。悔以寬恤待士卒。故勞不致怨。以嚴明駁將帥。故士卒不敢驕情。以均一定軍制。故天下無以議令。以周密立兵防。故奸宄無以生心。是以諸呂七國。變生倉卒。而備禦素具。北邊南越。連兵數年。而邦本不搖。誠有以也。獨其時平輒弛備。

而赤白囊一至始科瑯邊吏則倉卒無可用之兵何以防外成卒以嘗邊而中尉北軍亦出討擊則王旅無鎮衛之職何以重內其節目不謹者蓋如此是以漢之兵雖少近古而卒不能逐如古也建武之後兵制浸失都試之法不可罷者罷之三校尉之官不可廢者廢之于見郡兵不練而專倚南北二軍以集事是兵非曩時比也士大夫不閑武事至引邊將以入朝是將非曩時比也則又并與其綱維大體者一切廢矣漢烏得而不衰乎

六朝兵制

晉自文王置二衛三部司馬以中領之軍領之令州縣典兵州置都督尋加四征四鎮將軍之號及武帝代魏分左右各一將軍又置羽林虎賁上騎異力四部皆領於驍騎又有左右前後四軍四護軍領之凡二衛及驍騎七軍皆以中軍將軍領之及吳平之後即詔天下刺史悉去州郡兵大郡置武吏百人小郡五十人永康以後盜賊羣起州郡不能制天下遂亂元帝南渡以揚州爲是

最判州五州爲重鎮而三州戶口實居江南之半於是復刺史典兵而州鎮特
里故忠則陶侃溫嶠以入衛定國難逆則王敦蘇峻以啟釁爲國憂蓋其勢也
後魏天和中閣門之謫除於崔挺三長之制立於李冲屯兵興於薛虎子而成
丘資絹自隨之困省止業定于李安世而豪強陰附逆役之弊均定都中洛選
武勇之士十五萬人爲羽林虎賁以充宿衛分建六鎮優復府戶鬱然可觀其
後良法浸墮至於宿衛相率焚大臣之第朝廷懼不敢問致有高歡驕逞之心
則紀綱陵替豈非狃於承平文飾過盛之弊哉高齊別爲內外領之二曹雖下
八受田二十充兵六十免役頗追古意然武帝之際政以賄成一時領軍至二
千人無謂甚矣西魏大統中宇文泰用蘇綽始倣周典置六軍籍六等之民擇
魁健材力之士以爲之首盡蠲租調而刺史以農隙教之合爲百府每府一郎
將主之分屬二十四軍開府各領一軍大將軍凡十二人每一將軍統二開府
復加持節都督以統焉周至克齊之後并前各置六府而東北別爲七總管自

此隸戶有還隱丁有誅府兵有復丁以十二取役以一月代糧蓄以六家備民
力稍裕矣隋之兵制大抵周齊府兵之舊而加潤色焉其十二衛曰翊衛曰驍
騎曰武衛曰屯衛曰禦衛曰候衛各分左右皆置將軍以分統之府有郎將有
副郎將坊主團主以相統治其外又有驃騎車騎二府皆有將軍後改驃騎曰
驪場郎將車騎曰副郎將別置折衝果毅此府兵之大畧也自煬帝不綱府兵
之制不講高麗之役四方兵集凡一百十三萬三千八百人每軍大將亞將各
一人騎兵四十隊隊百人十隊爲團步卒八十隊分爲四團團各有偏將一人
其輜重帶兵等亦爲四團使步卒挾之而行進止立營皆有儀法但遠近騷動
士卒死傷臨業亡矣

唐代兵制

唐有天下三百餘年而兵之大勢三變其始盛時有府兵府兵廢而爲彍騎彍
騎又廢而方鎮之兵盛矣及其末也強兵悍將分布天下而天子亦自置兵爭